

# SCRIPTA

---

**Numéro Scripta :** 3868

**Auteur(s) :** Rouen, Sainte-Catherine ou La Trinité-du-Mont (abbaye)

**Bénéficiaire(s) :** Philippe III le Hardi, France (roi)

**Genre d'acte :** lettre

**Authenticité :** non suspect

**Datation :** 1279, 16 septembre

**Action juridique :** autre

**Langue du texte :** latin

## Analyse

Le prieur et les moines de Sainte-Catherine du Mont près de Rouen prient le roi Philippe [III] de leur permettre d'élire un abbé qui succède au feu abbé Richard.

## Tableau de la tradition

### Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 936, p. 235.

Texte établi d'après a

Excellentissimo domino suo Philippo, divina providencia, regi Francorum illustri, sui et devoti et humiles prior et conventus monasterii Sancte Katherine de Monte juxta Rothomagum, ordinis Sancti Benedicti, majestati regie, cum orationibus in Domino sedulis, paratum in omnibus obsequiis famulatum. Cum monasterium ipsum, per mortem bone memorie domini Ricardi, nuper abbatis nostri, sit pastoris regimine destitutum, vestre majestati regie significamus, quod nos fratres Johannem de Walemont et Henricum de Buesevilla, commonachos nostros, presentium exhibitores, nostros constituimus procuratores, et quemlibet eorum in solidum, ita quod non sit melior condicio occupantis, ad petendum et obtinendum a vobis licentiam abbatem nobis et ipsi monasterio eligendi, et providendi nobis et dicto monasterio de abbate, et ad faciendum omnia alia hujusmodi negotium tangentia, que nos faceremus, si presentes interessemus ; ratum habituri et gratum, quicquid iidem procuratores in premissis duxerint faciendum vel procurandum, et quilibet eorumdem ; supplicantes humiliter vestre majestati regie, ut nobis per eos vel eorum alterum concedere velitis eligendi licentiam, et providendi de abbate nobis et dicto monasterio viduato. Quod majestati vestre regie, que bene et diu valeat in Domino, tenore presentium, sub sigillo capituli nostri, significamus. Datum die sabbati post exaltationem Sancte Crucis, anno Domini M° CC° LXX° nono.